

瀋南時論
瀋南徵異
瀋南紀行詩
三種

瀋南叢書第一輯

瀋陽陶明濬著

滬南徵異卷一

妖夢一

滬陽陶明潛著

余少壯之時。志氣銳厲。怪異之事。不特不肯信。亦不肯言。年來憂患迭經。心情多倦。日思曩日所見。終有未是。即以余之所目見。所身歷者。千變萬紆。亦有非可以常理相繩者。何況六合之外。萬物之表。欲以區區億度。即可學阮瞻作無鬼論。宋儒言鬼神二氣之良能。不亦太涉武斷乎。爰以平生所遭奇異之事。稍加編次。以質諸研究靈學者。

夢寐之事。原不可信。亦不可不盡信。古有占夢之官。言夢爲六種。往往有應。載在史策者。不勝枚舉。或一時無驗。而他時有徵。或事前不解。而事後乃悟。有開必先。預示朕兆。非偶然也。余年二十一歲時。大病幾死。其時先父先母。及亡妻皆在。憂悸震恐。間卜乞籤。凡可以有益於病者。無所不至。及今思之。不惟親恩難酬。而唱隨之樂。依然如在。不禁淚漬紙筆。余當日之病。爲傷寒兼瘟疫。乃一至險之候。事在民國三年春三月二十五日。余方在省立第一中學肄業。爲走讀生。朝夕趨走。食飲無恆。宜即不得其調。已爲致病之根。又加以余性躁妄。與同班人大起意見。喧囂爭辨。筆舌爲勞。固由同人之失德。余不善聯合。亦有以致之。固由余之不拘行檢。而運命不亨。數皆前定。固不可以幸免也。余一日在校下課。覺毛髮森竄。中心震掉。若有無限驚懼者。

歸家。而寒熱大作。不敢令先父知。與亡內秘取成方。冀其立效。不傷親心。且不致誤課也。詎服藥之第二日。病益增。乃懼。告先嚴慈。先嚴急延賢醫診治。醫言疾甚重。服三劑。而病垂危。時有吳醫。專治小兒。知余疾危。詭言能治。投藥一劑。而余乃瞑眩。精神愴怳。知覺盡失。方余之昏迷也。見先父與一醫生孫某對談。孫爲庸醫。吾家無信之者。先父尤輕其術。余竊意他人如能治。必不至請此人來。以性命爲兒戲也。必吾之病已無望。他人不肯治。姑以此君爲孤注之擲也。豈知果然。余見孫醫。面上發出光芒。作金色。此時余目已迷離。狂花客慧。當然如此。旣而覺身體在牀榻上動搖。胸次苦悶。頭目昏眩。回顧身已化爲一車。在所居之大東關街上。往來馳驟。市井歷歷。與平日所見者不殊。大駭。以爲神不守舍。去死不遠。心念父母妻子。無人事蓄。含恨入地。心何能安。此心一動。體稍活潑。未幾。又昏亂如初。覺身坐在一玻璃球中。圓轉晶瑩。表裏通透。下視山河城市。蟻人豆馬。皆在足底。時久困牀褥。忽有乘雲凌霄之樂。惟愈起愈高。直入雲際。心自危懼。不知此身託於何所。但覺愈高愈寒。至不可耐。罡風忽起。此球直落。余大呼救。無應者。但覺一落千丈。在一大都市間。玻璃。已碎爲千萬。余幸無恙。全市之人。衣服面目。不類中土。大呼速捉。余從人隙中逃出問道。逸出城外。鵲鵲淒涼。自念無託足之所。遠望城外山坳處。有村落。意可投宿。乃覓徑急行。未至大雨如注。四山皆黑。衣服淋漓。愈覺慘懷。前面有大山。高入雲際。

山頂發出一人首。目閃閃在日月。大駭狂奔。此身不知尙爲吾有否。旣而風止雨息。驚魂稍定。前境已不知所往。但見村落落在眼底。相去不過跬步。有御車人執鞭立道左。馬甚瘦。若不任車之重者。其人謂余。君遠行倦甚。何不登車少息足力。余此時疲甚。不暇問升車後。輪爲之催輻爲之曲。御者大不釋行至村前。馬力不勝。御者促余下。車至道左茅屋。中無長物。祇缸一口。其內壘土封積。心爲之懷然。曰此屋何不潔乃爾。御者應聲曰。千餘年無人居住。焉得不爾。心駭其言。御者向余索車資。余辭以無有。且行不半里。何賁之索。御者怒。向余揮拳。余覺其無甚費氣力。蹴之以足。誤踏其馬。馬及車均倒地。則芻靈耳。御者暴怒。大叫。余益不惟。以掌摑之。仆地。化爲紙人。暴風來灰燼而已。恍惚間已歸至吾藩之西關。至一極狹之巷。有老屋三間。已破。不蔽風雨。牀上破蓆。窗中敗紙。令人有不可久留之意。有老嫗出。曰汝今日饒裕也。此汝之家。何故忘之。迷惘中。彷彿此真吾之家者。及入其屋。亦不敢詢嫗之姓氏。恐又說出傷心之語。乃揀破書篋。斷簡殘編。多如梵筴。諦視之。都如讀過者。忽大風來。字字變爲飛虫投樹上而沒。回視皆白紙。無一字一句矣。駭甚。而不旋踵。人屋俱渺。徘徊道周。不知所爲。心竊念。吾家原在東關。父母俱在。吾何爲此。乃循街衢。至吾家至則門巷已非。一庭亂草。有人出入室庭。則移吾之什物書籍將送之何樓。求僕售也。心欲止之而不能。至居室內。則徒有四壁。且熱氣蒸騰。不可久居。自念腹中甚饑傳餐

何所。不覺悽然淚下。有老叟。自言與吾父爲故友。見吾窘狀。頗有西華葛屨之感。乃以食物相餽。食之臭惡刺鼻。棄去。老人甚怒。曰。孺子不可教也。掉頭而走。余乃詢隣人。以老親所在。有人長而上僂。告之曰。君之父母。久已下世。豈知而故問也。余謝以實不知。其人曰。君之妻。在南山之南。當速尋之。余聞而心惻。出郭南行。十餘里。入深山迷路。日已昏黑。有人在山坳呼余聲漸流。喝謠視之。乃亡內也。在一罽井上。繫小鐵索。余疾解其索。亡內曰。無須。命之所定。烏能解之。余窺井。見下繫二草包。男女孩各一。其後亡內生子女四人。長增堯四增壽。均健壯。而第三爲男。第二爲女。女名小金。男名小榮。均天殤。在此時固已示兆耶。余無法解索。天寒日晚。不得與亡內偕歸。心傷氣奪。只有行乞一途。呼庚呼癸。無一人肯顧。中有素識。皆墓木已拱者。夜露宿街市。冷風侵肌。仰視星斗。光芒閃閃。爲平日所未經見者。有人曰。汝以壯男。何不從軍。而甘受飢死。亦太無術矣。視其人爲介冑之士。不類今之軍人。心未嘗不驚。不得已。隨之去。至一城。雉堞半圯。草樹已荒。入城。人家無有。祇敗瓦頽垣而已。心念。城已無人。又何必守。而城下。方盛陳兵衛。器械朽鈍。不必敵來。已逆知其必敗者。而有人驅余入伍。余方上城見十里外爲大海。海岸上旌旄照天。戈矛耀日。心念以我之弱。禦彼之強。安有全理。爲人所迫。不得已下城。與龍東之士相偕。余偶揀囊中之書讀。一士卒削而投之。曰。此何時。尙賓賓爲學子之態也。笑而棄去。列陣

未已。大敵已來。心甚慄。明知必無幸理也。果一交綏我軍大北。爲敵所迫。驅入海中。在波浪內。氣促思閉。真若發溺。人之笑者。昏迷之極。稍覺開悟。則此身已在墟墓之中矣。恍如戰死之後。爲人所埋。但見棺中枯骨。慘慘然其而一種腥穢之氣。不可須臾以忍。國殤鬼雄。計已良得。而陰森之境。非人所堪。奮力將槁折之屬撞碎乃得出。則見宰樹蒼然。石碑對立。則東門外。某姓之墓也。心大慰。以爲長此終古。不生不死。與子車氏之三子何異。但見墓旁有小廟。石棹上壓一黃紙。兩旁有小樹二。有人曰。此汝之生辰八字也。慎守之。可不死。余乃按之以手。大風自遠而來。紙欲飛不得相搏。既久。力卒不勝風。一飛去如胡蝶然。余乃心旌搖搖。不復能自持。久之覺隨二人飛去。上下皆黃沙。不見天日。二人面目兇惡。驅余入一石洞中。洞深無窮。大可百畝。容數千人。無一人不鳩形鵠面。有相識者。大概皆已化去。無一生存之人。寒甚。齒爲之擊。自視衣皆紙衣。心知此境。一定非人世矣。嘆息久之。忽洞門外。火光大明。照耀岩谷。洞中人曰。先太后施食矣。蜂湧而出。門者禁之不能止。余從洞口見天井半有二龍駕輦。身上有火燄。作深碧色。上坐人隱約但見瞿窮而已。余得一饅首。上印藍字。飢甚欲噉。必念此鬼食也。胡可入口。忍飢棄之去。乘人聲嘈雜中而遁去。喜無追之者。道旁見一半已斃。方注念間。身已爲牛。卒然而鳴。厥角嶷嶷。大驚。觸石而昏悶。還復爲人。天色微明。一峯蒼然。長松翠柏之下。見黃瓦層層。疑爲皇居。一人冠冕如王者。踞而

求生還。王者命一紫衣人。與丹藥一粒。服之體清涼。疾若失。王者曰速歸。命一人導余返。在重山峻嶺中。行約數日。見山下有屋。紅燈瑩然。視之則余之家也。其人推余霍然而悟。則余父母妻子。環余而泣。已不食十日。昏迷七日矣。門前尙懸紅燈。而張醫度卿與藥施治。疾日以愈。視之。則夢中所見紫衣之人也。

妖夢二

余之所居。西隣某。一執袴也。席豐履厚。鬪雞走狗。無所不至。其人小有才。甚口。忌者不能中。輕捷有拳勇。比衆危之者。亦無所屈。民國紀元前一年。某以時局貼危。有隙可乘。與某某等。組織一會。將謀騷亂。當局知之。將糾摘。而未發。某所居爲樓房。在余院中。即能見樓上燈火人影。臘月初五晚。猶宴會。賓客往來不絕。是夕余得一夢。夢見某院內書籍鼎彝之屬陳列幾滿。五光十色炫閭巷。觀者如市。比曙而日已上窗。出門聞人聲喧雜。先嚴告余曰。某以危及治安之故。已查抄矣。某昨夜爲某軍所殺。余聞而大驚。出院至某氏之門。什物盡珍品。均陳放門外。與昨夜所夢者。情形相符。當余得此夢時。正官軍初到查抄之時也。豈精爽相通歟。他人之事。予何爲感夢乎。

妖夢三

民國六年冬。余在北京大學肄業。所居斗室。大可容膝。門外風雪。則擁爐踞牀。以吟

詠自娛。冬月十五夜。方就寢。覺身甚怪。展轉不得寐。心念家中老親。體或不適。歟。不然何以身動手驚。神魂震悚也。正轉側間。有人扣門。啟戶。一青衣人。面慘白如雪。木立不言。余不覺從已行。不辨其爲何所。不敢問。問亦不答。一城在黑霧中。人面目不辨。至一大寺。入三重門。見西廡積棺甚多。北壁有一棺。棺蓋在側。一人衣白衣。坐棺中。背面不辨爲何人。余心駭甚。其人呼余至側。則吾之二姊適沈氏者也。余轉不醒。急問吾姊何爲在此。姊不答。因問曰。家信到。汝自去之。顏色悽惶。哭不成聲。余一痛而悟。心知不祥。猶幸其爲幻想。果三日後。家父來諭告以二姊染時疾歿。計其時日。正余感夢之日也。先是伏假在里時。二姊歸寧。神色如恒。居月餘。歸不忍別。又殷殷索余小照。余心訝之。果爲永訣之預兆云。

妖夢四

民國十五年冬。十一月二十日。余在東北大學授課。晚歸。飯後。與亡內何文貞女士。喁喁絮談。手撫二小兒。極家庭之樂。慘甚擁被。同入睡鄉。覺與亡內同坐一車。赴城外遊覽。而并非尋常行走之路。御者亦非所用之車夫。與亡內同驚詫。以家中有老人。不有命安得遠遊。且二小兒。未携來。亦必啼哭尋覓。同聲促御者歸。御者不應。亦無反旆回輪之志。余大聲呵之。其人回首。則藍面金目。形如鬼怪。與亡內大駭。不敢出氣。聽其所之。行十餘里。萬樹接天。中有殿宇。知爲大寺。心竊喜有救。御者令下。吾

二人如蒙赦然。下車後。其人與車俱渺。不得已入廟。見遊人甚多。有古衣冠者。亦有時裝者。多愁慘無人色。心甚迷惑。與亡內携手同行。告以死生有命。不必戰慄。亡內首領之。至東廊。見有茶座甚多。余二人亦揀一座。亦無人招待。隔座有三人。啜茗竊談。面色青白。若有極大之事出。忽有赤髮綠衣人。五六輩。喃喃來。捧之去。余與衆隨之出。至廟門外橋側。行刑者。執鐵刃。三揮而三首已落。碧血噴人面。觀者股弁。亡內及余足不步。欲歸。忽有一吏持簽。呼亡內名。亡內泣曰。事急矣。君可迅歸。無爲俱死。余情義所激。一毫不懼。在後尾之行。至三重殿後一大殿。殿內古衣冠者以百數。形如廟中土偶。衣上有壁。所能言語動作。上座冕旒者。審問亡內。不知作何語。亡內辨語。亦不聞。經極久之時。訊畢。亡內出。見驚曰。君尚未去也。緊握其手。促曰歸。亡內不肯曰。永決矣。子無然。一驚而悟。則亡內夢中哽咽。急推之醒。問何相如此。時殘燈如豆。亡內詳述夢中之事。與全所夢者正同。一事不差。大駭不敢言夢之同。以傷其心。但日余無所夢。而心甚危。天明。亡內寒熱交作未五日。竟殞。嘻二夢如同。豈偶然哉。

妖夢五

民國五年冬。余在省立第一中學肄業。所居之宿舍。年久失修。瓦斜墜。藩拔級夷。不可蔽風雨。而樑木久壞。勢將折。余行李正在其下羣以爲危。余乃請於學監。請遷他屋。

。學監怒曰。一屋人。特汝性命爲重也。不許。無奈何。是夕夢一白鬚老人。撼余臂曰。速起大難將至。驚悟。亦無他異。著衣至外屋。坐以待旦。天明請假一日歸省。未返次日歸校同學詫曰。幸哉吾子子不歸。其爲齏粉歟。蓋梁山是夜折。坑亦碎尺許深。設余不有是夢。則雖死亦不得全軀體矣。但不知見夢老人。何許人也。

妖夢六

民國六年冬。余在省立中學畢業。學校留堂爲該校國文教員。課畢歸。家父命坐。談處分家事。娓娓不倦。與平日態度大異。心甚憂悶。不敢形於詞色。曰吾父精健旺。家事自己處分。已治已備矣。何須預語兒輩。不如談有趣事爲佳。家父似覺其意。亂以他語。促余速歸寢。余心甚懼。若別離之在即者。甫親枕。心緒如麻。聞家父呼余名。急起啟戶視之。則父已在門外。訓余曰。汝珍重自愛。余將有遠行。言畢去。余號泣隨之。甫出大門。身輕如葉。覺已在荒野中。朔風狂吹。懷乎不可久留。請父。同歸。父不可余牽裾不釋。忽聞僕婦撼子窗。呼余起。曰老爺不好矣。驚起至父所居室。則已不省人事。吾母告以半夜尙便旋何遽至此。余急延英醫診之。診爲急性中風。啓齒何以藥。且大呼父速反。至天明乃寤。日吾與汝同往城外。汝先歸。不待吾耶。乃知昨夜。吾父子之魂。同出軀殼矣。天屬之恩。不以生死而異。嗚呼。

妖夢七

余祖母高太夫人以清光緒三十二年七月初七日病歿。初六日尙飲食步履如常。家人均不意其有疾。是晚得一夢。夢與先曾祖母同屋居住。忘其久已謝世。姑婦相見。如平生歡。同在一榻就寢。忽見窻格驟破。一人金面持衣。持七方人。先祖母大呼而寤。醒而以夢告先慈。曰速辦後事。先慈驚問。何遽如此。日汝之舅。臨歿時。亦得此夢。未一日而逝。吾之夢同。甚兆焉得不同。是日以腹洩卒。蓋先祖母父臨終前一夕。亦有此夢云。

妖夢八

余年三齡。隨先嚴在復州城尉任內。時先祖母在署就養。板輿之奉。菽水之樂。熙熙然。至今不能忘。先叔厚田公與吾嬭母高氏。在省城家內。久未有信。先祖母念之甚。先嚴日日開解。恐老人之心傷也。一夕。先嚴夢在衙齋。有一婦人。衣紅衣掩面而入。心大駭。問其爲誰。不答。及一拂袖。面無人色。則爲吾嬭高氏也。其衣服則爲殮服。非生人裝束。先嚴驚悟。心知有異。而未敢言。恐先祖母聞之而增疑也。不數日。高君曉洲來。始知吾嬭母已病歿。見夢之時。正氣絕之日。而所衣之色。正與殮時同。一刻間。魂已行數百里。真謂魂氣無不之者也。

妖夢九

余亡內之祖父連公名壽。性方剛。好勇尙氣節。爲興京協領。頗多惠蹟。年二十許。隨征連陳當時兵威屢挫。去者無生還之望。連公歸。其夫人作別。夫人悲愴之甚爲繫衣服。

梳辨髮。已畢。乃大哭。不令成行。連公以風雲之氣。割兒女之情。推夫人仆地。絕裾而行。數里外。猶聞哭聲也。性雖耿介。不能無動於情。而王事馳驅。簡書可畏。不得不決捨一切。於役二年許。軍事畢。將歸。忽見夫人自外入。執手嗚咽。而無一言。驚而縮視。則無所見。似夢而非夢。心以爲不祥。歸心如箭之在弦及抵家。則夫人歿已數月矣。

妖夢十

所居之宅。頗軒廠。民國七年冬有宦者。見而欲奪。余適在北京大學讀。夜夢行僻巷間。有猪黑色。在後追逐。勢將相斃。駭甚而奔。其牙將及。忽有人衣甚華。執鞭驅之。脫余於危。醒而寢坐。細思此兆。是何祥也。吉凶焉在。數日得家書。知某人賄司法。將余宅拍賣。委其僕朱某。日催移宅。不可理喻。幸有警官富某。主持公道。得不被其所騙。後有世袁諸公。從而調和之。得不爲其所據。房仍歸余。朱之鬻人。幾乎不免。富之爲義。夢中於衣服甚華之人兆之矣。

學仙

鄉人袁某。讀書不成。自詭能學仙。呼吸吐納。自謂有心得。絕學損書。不飲酒。不御內者數載。斗室靜坐。終日不言不笑。問其何爲如此。曰吾元神從泥丸宮出。飛行無碍。能察知萬物情狀。千里萬里之路。吾視之如一室也。人多狂而不信。且大笑之。某不

以爲午。自信愈堅。而著魔亦愈深。又能閉息數分鐘。如化去之人。種種妄作。守庚申。服靈砂之類不一而足。一日獨行瀋陽之東門外。遇一老人。鶴髮朱顏。飄飄有神仙之概。某與之語。玄玄渺渺。莫窺其隙。大悅擬從更受要道。以爲仙人無緣。必不可交臂失之。當面錯過也。乃延其入茶肆。啜茗清談。老人叩某之所學。某乃誇張已能以爲無所不知。老人嗤之以鼻。以淺嘗則止爲戒。某以爲輕已。因而大怒。嘖嘖灌卮。幾至用武。老人微笑曰勿須也。今夕祇談風月。何必沾沾於此。因振袖出棗二枚。置茶杯中以饗。某心緒方亂。不覺一舉盡之。行是神志昏迷。老人起。某已從之。老人蹕行甚速。急如風雨。瞬息行百餘里。一山當前。千峯崢嶸。老人登山。某亦從之。藤梢石角。兩足全破。而某亦不覺。山深處。有園亭。花竹幽陰。大似仙境。老人入園中。導某至一室。圖書四壁。鼎彝遮列。爲某平生所未見者。少息數刻。老人命張飲亭中。二女侍。皆殊色也。絲竹鏗鏘。酒肴芬馥。某目迷心醉。不能自持。學道之心。一毫無有。老人已解其意。託醉逃席。某益無忌憚。左擁右抱。備極懽洽。消魂真個。睡已沉沉。及醒。覺體寒甚。則在山中一菜圃。豕笠中。泥淖沮洳。某臥以其中。一絲不掛。有二豬爲其擁抱。某且羞且憤。老人亦不知所在。而憊甚不能起。村人環視。以爲妖人。某力辨其非。告以己之鄉里及姓名。衆有識其父老。乃以戶扉荷之所歸。某詢之。則山爲千山。瞬息之間。已在遼陽。某大駭。村人存心樸厚者。哀之。爲雇車載以歸。家中失某已

月餘。其父思之成病。某歸衣服破裂。流血被體。其父見之。一痛而絕。某休養月餘始痊。自是不敢再言仙術矣。

鐘仁

鐘仁粵人。性振奇。學文學法。皆撮其最凡。遊幕遼省。以府主不相字。屏之退。乃在學校。主講席。恒瑣瑣二不自得。一日在友人席上。有楊某者。容態傲岸。目作紺碧色。談說鬼神。要渺入微。一座皆官場人。未之異也。鐘好奇。特禮敬有加。問楊之任家。乃歸訪之。學官室之間。楊曰。鬼神孔子不敢斷言其無史書記載。稗乘流傳。不一而足。顧非親見者。必不足以言其象。而明其理。鐘曰子能言之。子定親見之也。楊曰。吾若無所見。吾焉敢言。苟用吾術。卽人人可以見之。惟恐不從吾之術。或無其胆者。則終身不可得而見矣。鐘大喜。再拜扣其術。楊詭言不知。申以長跪。始勉強許之。與之三符。毛布底鞋一雙。令歸俟靜夜。縛鞋於頭。加符鞋上。仰而後復者三。頭岑岑然。急覆以重衾。當有所見。并令妻妾偎倚於側。以體之寒。不如此。不得再生。歸如其術。果頭昏而神移。見二童子。自屋外入。以二幡引之。鍾不覺身已隨之行。天地一色。上下皆黃。諦視上皆黃沙也。人在沙之中行身極輕。行極速。剎那間。已行數百里。鍾曾曾在吉林遊幕。途中所見。正爲赴吉省之路。但行甚速。瞬息百里。比之平日乘火車。遲速不可同日而語。既而到吉林之北山。山勢雖同。而氣象大異。山下有洞。入洞

行數十里。見有大城。比之吉省城。大可十倍。其中人烟幅湊。車馬喧闐。惟衣冠千殊萬別。有通天遠遊冠者。有紗帽襪頭者。有前清頂翎者。有民國禮服者。相拒千百年之輿服。聚在一處。亦人世未有之奇觀也。正在傍立之際。有牽其裙。回頭視之。則楊某也。鍾大善。楊乃邀其至一酒肆。但列坐不飲食。曰我輩生人御此則不能牛還。二人同看冥中景物。見有衣黃衣。乘輦而至者。楊曰此唐太宗也。鍾視之。天顏日角。真氣驚人與紫光閣中所見者。微有不同。鍾因謂楊曰。輪迴之說果有乎。楊曰安得無有。曰太宗歿已千餘年。其魂何以尚在。曰凡人均有三魂七魄。在庸常之人。一過輪迴。則魂一無所有。若聖帝明王。名臣碩輔元儒巨子。名士美人。天之所厚者。冥司不能薄之。其一魂一魄。照例輪迴外。其餘二魂六魄。萬古常在。依然保持其地位。及尊嚴也。即如曹操之窮化極惡。其在地獄中。亦不過一魂一魄至已。其餘魂魄因依然高拱深宮。不減生前銅雀之侈麗也。鍾曰然則庸人不可如歟。曰何爲其可。曹蜍曹志。雖生獨死。而況不如曹李者宋。欲觀地獄楊不可。曰人世之法院。無不紹。猶不可旁聽。何況地獄之尊嚴手。侯諸異日可也。命二青衣送之歸。比及蘇醒。已不知人事一日矣。後每陽數日則用其法一往一精神耗滅。而有死氣。其母戒之不聽。果得狂疾。幾殆。數級之塔。一躍而已。某省長官。憐其才欲用之。使人示意。至則鍾方舞劍。慨然對使者曰。爲我致謝俟我斬蛇畢。有以報命。言畢一躍而登屋頂。將鵲頭斫去。其狂如此。後楊某至。

視其疾。曰：學道不深，當然如此。吾既陷之行前，不可不救之於後也。出藥一丸。鍾食之，病良已。楊興之絕，終身不復見。愈後昏昏然，扣以前事，茫然不知。再有以鬼神之說進者，則以爲妄言非矣。

凶宅一

年三歲。隨家父官遊在藩。時自己無宅。賃人之宅以爲宅。東移西遷。一歲不得寧居。有席不得暖。突不得黔之概。其時省城富庶。人物闐委。賃宅尤非易事。東關有王宅者。素以凶聞。人不敢居。家父正直。妖妄之談。從不肯信。而內省不疚。對越無愧。亦當然無懼。乃決移居。家人無不恐怖。而不敢有異詞。入其門，蓬蒿滿院。高可隱人。屋中灰積盈數寸。一種陰森愁慘之氣。令人毛戴。家父不以爲意。曰：久無居人。當然如此。命人伐其惡樹。去其亂草。試其塵。氣象爲之一變。入夜，家人懼甚不成寐。家父夜眠甚酣。數日無他異。一夕甫就枕。聞戶外有人步履聲。以爲僕人也。半夜。聲猶不止。家父不以爲意。安眠如常。家母心不能無悸。啓窗帷。從玻璃中之。見院之中心。不知何時。放一圓棹。上座一人。年五十許。服清一品服衣冠甚偉。而滿面鮮血。對面二婦人裝。一無首。一無臂。旁立僕。男女外三人。無一人身無血漬者。如對似飲酒。又似密談。棹上燈作綠色。陰風洒然。家母駭甚。不敢即呼家父。乃喚就余之金嫗。共看。所見皆同。極爲驚絕。昏昏睡去。次日家父醒。見二人狀。灌以靈湯。始甦。家父向

何以如此。乃以所見對。家人聞之皆恐。舉請遷居。父意不能不動。會是晚余舅父自岫岩來。張飲相待。歡然道故。席間言及宅凶。即將遷移。舅父曰。安有此理。今夜可留吾住廂房。吾一夜不寐以覘其變。果有其事。遷末晚也。至晚舅父取壁上劍。挑燈讀書。家人危之。勸之不聽。只好任之。夜來聞東房有狂呼聲。家父急往視之。則燈已滅。舅父已仆地上。昏昏如死。急呼家母。及衆人施救。半刻始甦。日甚哉鬼之能爲厲也。吾危坐夜半。忽覺陰寒襲人。目光眩動。耳鳴心掉不已。恍惚中見一人來。服官衣。手提其頭。以頭血滴吾面後二婦人。其有頭者言曰。吾家在此已百餘年。汝何人敢相犯也。余乃昏仆。以後事不知矣。次日舅父不敢居此。家父仍以爲妄。欲自居此屋覘之。爲家母苦諫而止。會父蒙依制軍派署岫岩城守尉。全家赴任。遂不得不與此宅辭矣。

凶宅二

余隨侍家父。至岫岩尉署。道路幽陰。疲倦之極。旣抵岫邑。至署。稍得慰勞。署基址甚廣闊。共五進。以城牆爲後垣。亭台花木。位置頗宜。心不禁爲之暢然。東廂房閉不開。家父令啟之。署內有志兵進日不可。父怒曰。吾官此。即此院之主人。汝何爲不可。老兵曰。此屋有妖鬼。數十年任此者。從不能居此屋。吾敬公不敢不以實告。父乃色霽。曰。第開之。無預汝事。禍福吾自當之。兵不敢違。乃啟其扇。屋久無人居。陰氣鬱鬱。乃并其多面之窗啟之。日光照入。內外洞明。覺無甚可畏。家人均胆壯。爭欲居之。父